



Inatsisartut
Inatsisinut Ataatsimiititaliaq
/Maani

Inatsisinut Ataatsimiititaliamut akissutit.

Brevdato: 12-11-2015
Sags nr.
Dok. nr. 1552986

Inatsisinut Ataatsimiititaliap oqaluuserisassani imm. UKA 2015/109-mik suliaqarnerminut atatillugu, allakkatigut 27. oktober 2015-imeersutigut Naalakkersuisunut apeqqutai arlaqartut innersuussutigineqarput.

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Naalakkersuisut ataatsimiititaliap apeqqutai qujassutigaa, taakku ataani allassimapput, soorlutaaq Naalakkersuisut apeqqutinut akissutaat *uingasumik* allanneqartut.

1. Pigisat naatsorsorneqarfiannik suliaqartussaataa nissaq Naalakkersuisut paasinninnerat malillugu suli pisariaqanngila?

Aap, taamak oqartoqarsinnaavoq. Akileraaruserinermik ingerlatsineq pillugu inatsimmi § 17, imm. 2-mi aalajangersagaq isumaqarpoq, akileraartartoq nammineerluni nalunaarsuiffimmik nassiusserngaarnermini pigisani pillugit paasissutissanik nalunaaruteqassasoq. Amerlasuut nammineerluni nalunaarsuiffimmik siullermik tunniussigaangamik inuusuttunnguusarput, amerlanertigullu pigisaqartaralik. Akileraartartut pigisamik kingusinnerusukkut allannguutaat pillugit nalunaaruteqartussaataa nissaat akileraaruserinermik ingerlatsineq pillugu inatsisip § 17, imm. 2-ata tunngavissinngilaa.

Kommunimut akileraarutit pillugit inatsimmi siusinnerusukkut atuuttumi § 46-p oqaasertai akileraaruserinermik ingerlatsineq pillugu inatsimmi § 17, imm. 2-p imarisai pingaarnertigut assigai. Nalunaarut nr. 45, 11. september 1975-imeersoq akileraartarnerup 1975-imi atuutileraneranut, akileraartartullu nammineerluni nalunaarsuiffinnik 1976-imi siullermeerlutik nassiusisussaananut attuumassuteqarpoq. Nalunaarut nr. 45 pisoqalisutut isigineqartariaqarpoq atorunnaarsinneqassallunilu.

2. Inuit ataasiakkaat pigisat naatsorneqarfiannik suliaqartussaataa sappaata suli Naalakkersuisut paasinninnerat malillugu inatsisunik allannguisoqartariaqassava?

Aap, tak. apeqqut 1-imut akissut.

3. Naalakkersuisut paasinninnerat malillugu inuit ataasiakkaat sunik pigisaqarnerannut tunngasut Akileraartarnermut Aqutsisoqarfiup nalunaarsugaatigai? Taamaattoqarpat nalunaarsuiffik sunik imaqarpa?

Pigisat pillugit paasissutissat Akileraartarnermut Aqutsisoqarfiup pigisai tassaanerupput akileraartartut aningaaserivinni uninngasuutaannut aamma pappialaataannut nalilinnut (aktianut obligationinullu), pappialat aningaasanik nalillit nalunaarsorneqarfianniitneqartunut, kiisalu illuutitut Danmarkimiittunut, kisiannili nunani allaniittuunngitsunut tunngasut.

Aamma akileraartartut ataasiakkaat illuummik Kalaallit Nunaanniittumik pisisimatillugit illuutip tuninerani/pisierinerani akia pillugu paasissutissat, illuutit niuerutigineqarneranni uppernarsaatit naqissuserneqarfiisigut takuneqarsinnaasarput, imaluunniit Nunatta Eqqartuussiviani nalunaarsuiffimmut saaffiginninnikkut pissarsiarineqarsinnaallutik. Paasissutissat tamakku nutaanerutillutik atorsinnaanerupput, nutaangiliartornertillu ilutigalugu atorsinnaanginnerusarlutik.

4. Immikkoortortamik immikkut ittumik pilersitsineq qanoq akeqarnissaa Naalakkersuisunit ilimagineqarpa?

Immikkoortortap qanoq angitiginissaa apeqqutaassaaq. Oqaatigineqarsinnaavoq akileraaruserinermi kukkuneriusuisup misilittagallip ukiumut akissarsiai 500.000 koruunit missaanniimmata. Taassuma saniatigut aningaasartuutaassapput pinngitsoorani aningaasartuutissat, soorlu allaffeqarnermut, ilinniartitseqqinnermut assigisaannullu aningaasartuutit. Pinngitsoorani aningaasartuutaasussat amerlassusii, akileraaruserineq 2007-imi qitiusumut nuunneqarmat ukiumut akissarsiat 46%-iisa missinginut naatsorsorneqarput.

Erseqqissaatigineqassaarli Akileraartarnermut Aqutsisoqarfik akileraaruserinermi kukkuneriusuisunik Kalaallit Nunaanni sulinissamut piginnaasaqartunik maani sulisoqarniarnermigut ukiuni arlaqalersuni ajornartorsiuteqarsimammat, tamannalu Akileraartarnermut Aqutsisoqarfiup kukkuneriusuineramik suliassaataasa amerlanersaasa aqutsisoqarfiup Aalborgimi sulisuinit maanna isumagineqartarnerannut pissutaavoq.

Eqqoriaannarlugu naliliissagaanni sulisut ataasiakkaat ukiumut minnerpaamik 750.000 kr.-inik aningaasartuutaassapput, tassa akissarsianut aningaasartuutinullu. Akileraartarnermut Aqutsisoqarfiup ilisimaaraa immikkoortortat mikivallaassangimmata, taamaammallu immikkoortortaq ikinnerpaamik inunnik pingasuniit tallimanut amerlassuseqartunik inuttaqartariaqarpoq.

5. Missinguineq taanna Naalakkersuisunit sumik tunngaveqartinneqarpa?

Apeqquut 4-mut akissut takuuk.

6. Immikkoortortap pineqartup qanoq annertutigisumik iluanaarutaanissaa Naalakkersuisunit ilimagineqarpa?

Immikkoortortap suliassaasa sorspiaanissaat apeqquutaassaaq. Suliassai pinerluuteqarnikkut isertitanut tunngasuinnaassappata iluanaarutissat amerlanngitsu-innaassapput, soorlu tamanna siullermeerinermut akissuteqaammi taaneqartoq, pinerlunnikkummi isertitat akileraaruteqaataasussaangillat.

Tassa imaappoq aningaasatigut iluanaaruteqarnissaa naatsorsuutigineqarsinnaangilaq, iluaqutissartaali allat tassaasinnaapput pinerlunnerup minnerulernissaa il.il.

Immikkoortortaq pilersinneqartussaaq siunnersuutigineqartutuut angissuseqartoq aningaasatigut pinerlunnerinnarmik misissuineramik suliaqassappat, suliassai naammannersut, imaluunniit sulisut pineqartut kukkunerisuineramik suliaqartut ilaattut inissinneqassanersut, aningaasatigullu pinerlunnernik misissuineramik pingaarnertut suliaqarnermik saniatigut piffissap ilaani kukkunerisuineramik allaffiup suliassaataasa allat suliarineqarneranni ikiuuttassanersut oqaluuserineqarsinnaavoq.

Oqaatigineqarsinnaavoq Akileraartarnermut Aqutsisoqarfiup 2014-imi akileraarusiineramik suliassat nammineerluni nalunaarsuiffiit 50.300-t missingineersut suliarisimammagit, taakkunanga suliassat selskabinut inunnullu tunngasut 1.350-init amerlanerusut Akileraartarnermut Aqutsisoqarfiup kukkunerisuineramik immikkoortortaqaarfiata 2014-imi suliarisimallugit, taassumalu kingunerisimavai aningaasarsianik akileraaruteqaataasussanik qaffaanerit 220 mio. kr.-it missaanniittut aamma aningaasarsianik akileraaruteqaataasussanik appaanerit 101 mio. kr.-it missaanniittut. Inernerat ataatsimut isigissagaanni 40 mio. kr.-it missinginik, kommunit Namminersorlutillu Oqartussat akornanni agguarneqartussanik isertitsissutaanerusimavoq.

7. Missinguineq taanna Naalakkersuisunit sumik tunngaveqartinneqarpa?

Takuuk qulaani akissut.

8. Akileraartarnermut Qullersaqarfik inuit ataasiakkaat pigisaqarnikkut inis-sisimanagerat pillugu qulaajarniarlugu qanoq annertutigisumik pisortat nalunaarsuiffiinik atuiva?

Akilaartarnermut Aqutsisoqarfik aningaasatigut eqqunngissorisaminik pissutsinilluunniit allanik pissusiviusunut naapertuussorinngisaminik pasitsaassaqaraangat paasissutissat nalunaarsuiffinnit paasissutissanik pigisaqartunit piniarneqartarput.

9. Akilaartarnermut Qullersaqarfiup qanoq annertutigisumik paasissutissat taakku inuup akileraaruseriffimmut nammineerluni nalunaarsugaanut sanillersuuttarpei?

Paasissutissat nammineerluni nalunaarsuiffinni nalunaarneqarsimasut paasissutissanut Akilaartarnermut Aqutsisoqarfimmit pigineqartunut naaptuussorinangikkaangata, imaluunniit oqartussaasut allat pissutsinik misissorluartariaqartunik Akilaartarnermut Aqutsisoqarfimmut nalunaarutiginnikkaangata paasissutissanik qinusoaqarnerusarpoq.

Akilaartarnermut Aqutsisoqarfiup akilaartartut ataavartumik nakkutigisarinngimmagit oqaatigissallugu pingaartuuvoq. Nalinginnaasumik akileraarusiinermit misiliilluni misissuisoaqartarpoq, pissutsinilli imaaliillaannaq nassuiarneqarsinnaanngissorisanik paasisaqartoqaraangat nalunaarsuiffiit arlaqartut paasissutissaataat imminnut sanilliullugit misissorneqartarput.

Nalinginnaasumik akileraarusiinermit atatillugu paasissutissat nammineerluni nalunaarsuiffinni allatorneqarsimasut paasissutissanut Akilaartarnermut Aqutsisoqarfiup sulisitsisunit, tunitsivinnit, aningaaserivinnit, soraarnerussutisiaqaler-nissamut sillimmasiisarfinnit assigisaannillu tigusimasaanut sanilliunneqartarput. Aamma qamutit motoorillit nalunaarsorneqarfianni paasissutissaatigineqartut paasissutissanut akilaartarnermut tunngassuteqartunut ilanngunneqartarput.

Tamakku saniatigut aamma nammineerluni nalunaarsuiffiit ilaat misissorluagassanngortinneqartarput, soorlu misiligutitut, aammali ukiuni ataasiakkaani immikkut misissuiffigisassatut toqqarneqarsimasut aallaavigalugit. Tamakku tassaasinnaapput sulisut kattuffiitut akiliutinik, taarsigassarsitsisarfinnut erniatigut aningaasartuutitut ilanngaatinik, suliaqarfinnik aalajangersimasunik, illuutinik at-tartortitsinikkut isertitanik allarpassuarnillu misissuinerit. Misissugassat ukiumiit ukiumut allanngorarput, taamaaliornikkut misissugassat sapinngisamik amerlasuut ukiut ingerlaneranni ingerlanneqarsinnaaqqullugit.

Kiisalu akileraarutitut angisuunik tapertussaqaqtillugu akileraarutinilluunniit - angisuunik utertoortussaqaqtillugu nammineerluni nalunaarsuiffiit tamatigut misissorneqartarput.

10. Akilaartarnermut Qullersaqarfiup Politimesteqarfiullu suleqatiginneranni pigisat nalillit naatsorsorneqarnerinik pisimasinnaasunik paasissutissalluunniit allat attuumassuteqartut akileraaruseriffimmut nammineerluni

nalunaarsukkatigut Akileraartarnermut Qullersaqarfimmut tiguneqartut qanoq annertutigisumik agguaasseqatigiissutigineqartarpat?

Paasisutissanik tuniorateqatigiinneq taamaallaat pisarpoq Politimestereqarfik ikioqqulluni qinnuiginnikkaangat, imaluunniit Akileraartarnermut Aqutsisoqarfiup suliassat pinerlunnermik tunngaveqarsorigaangagit.

11. Aaqqissuussilluni ingerlatanik assigiinngitsunik annertunerusumik ataatsimut ingerlaqatigiisitsilernikkut Akileraartarnermut Qullersaqarfiup maannakkut aaqqissuussilluni ingerlataasa allanik immikkoortunik ilaartorneqartariaqarnissaata pisariaqalersinnaanera Naalakkersuisunit ilimagineqarpa?

Akileraartarnermut Aqutsisoqarfimmi IT-mut atortut, e-skat, sulisitsisunik nalunaarsuiffik, sulinal, akiliisitsiniartarnermut atortut il.il. ingerlaavartumik ineriartortinneqartuupput, tassa ilaatigut inatsisit allanguutaasa kingunerisaannik, amerlanertigulli aamma atortut nalinginnaasumik atornerisigut misilittagaasut kingunerisaannik.

Aammattaaq oqaatigineqarsinnaavoq Akileraartarnermut Aqutsisoqarfik nunat tamat suleqatigiinnerannut atatillugu pisussaaffeqarnini pissutigalugu nalunaarsuiffinnik ineriartortitsinissamut nunanilu allani akileraartarnermut oqartussaasut paasisutissanik paarlaateqatiginissaannut atatillugu suliaqartussanngulermat. Tamassuma isertitat amerlinissaannik kinguneqarnissaa naatsorsuutaavoq, taakkuli amerlassusissaat maannangaaq eqqoriarneqarsinnaanngillat.

Akileraartarnermut Aqutsisoqarfiup periarfissatut kissaatigilluinnagaa tassaavoq illuutit qitiusumik nalunaarsorneqarfiat, ajornanngippallu illuutit maannakkorpiaq nalinginik imaqartoq. Periarfissarli taamaattoq aningaasatigut sulisutigullu annertuunik piumasaqarfiussaaq.

12. Annertusaanerup pisinnaasup qanoq akeqarnissaa Naalakkersuisunit ilimagineqarpa?

Akileraartarnermut Aqutsisoqarfiup IT-mut atortut maanna pigineqartut atornerinut, aserfallatsaaliorneqarnerinut ineriartortinneqarnerinullu maanna ukiumut 8 - 10 mio. kr.-it missingi atortarpai. Annertusaasoqassappat taassuma qanoq akeqarnissaa Akileraartarnermut Aqutsisoqarfiup maannakkorpiaq ilisimanngilaa.

Tassunga atatillugu oqaatigineqassaaq, ERP-mik nutaamik atuilerniarnermut, llanngaassivimmik pilersitsiniarnermut il.il. atatillugu eqqoriarneqarsinnaanngillu-

innarmat annertusaasoqassappat tamanna qanoq aningaasartuutaassanersoq, Akileraartarnermummi Aqutsisoqarfiup IT-mut atortui Namminersorlutik Oqartussat IT-mut atortuinut allanut ataqatigiissaagaasussaapput, taamaammallu Namminersorlutik Oqartussat atortussaasa nutaat qanoq ilusiligaanissaat aningaasartuutaasussanut aalajangeeqataasussaassapput.

13. Tamatuma qanoq aningaasalersorneqarsinnaanera pillugu Naalackersuisut siunnersuutissaqarpat?

Maannangaaq naagga, tak. apeqquut 12-imut akissut.

Ataatsimiititaliaq ilassutitut apeqquutissaqarpat Naalackersuisut akissuteqarnissamut soorunami piareersimapput.

Inussiarnersumik inuulluaqqusillunga

Vittus Qujaukitsoq